

Mahathir alutkan hasrat perdamaian disuarakan Pas

18 OCT 1990

KUALA TERENGGANU 17 Okt. — Dato' Sri Dr. Mahathir Mohamad hari ini mengalutkan hasrat perdamaian sebagaimana yang disuarakan oleh Pas, tetapi seharusnya ia tidak diiringi dengan syarat.

Perdana Menteri berkata: "Pada prinsipnya, sebarang perdamaian adalah baik, kita alutkan perdamaian, tetapi jika perdamaian itu dikenakan syarat, kadang-kadang syarat itu yang menjadi masalah."

"Kalau mereka nak berdamai, eloklah, tapi kalau letak syarat, susahlah," tegasnya ketika menjawab soalan para pemberita mengenai hasrat damai Pas sebagaimana yang disuarakan oleh Ketua Dewan Ulama-nya, Haji Nik Aziz Nik Mat semalam.

Haji Nik Aziz dalam pertemuan dengan wartawan Utusan di Kota Bharu semalam memberi jaminan tentang kesediaan partinya untuk menemui Dato' Sri Dr. Mahathir bagi membincangkan kemungkinan bekerjasama dengan UMNO.

Katanya, Pas tidak mempunyai halangan untuk berunding asalkan UMNO benar-benar ikhlas dalam perjuangan menegakkan

Islam di negara ini.

Beliau bagaimanapun mahu pihak ketiga mengusahakan pertemuan Pas dengan UMNO.

Dalam konteks ini, Perdana Menteri dalam rangka lawatan singkat ke Terengganu untuk menemui jentera pilihanraya Parli-men Kuala Terengganu, Marang dan Kuala Nerus menegaskan:

"Kita ingin tahu apa yang dimaksudkan mahu mengadakan perbincangan melalui pihak ketiga.

"Kita sekarang ini tidak tahu apakah sebenarnya maksud, kenapa nak bekerjasama. Adakah ini kerana PBS bekerjasama dengan Semangat 46. Ini semua kita tidak tahu, jadi sukar bagi kita nak respon.

Mengenai syarat pula, Dato' Sri Dr. Mahathir berkata: "Kita nak tahu sama ada dia nak adakan syarat. Ini kita nak tahu sebab kita tak tahu. Tapi kalau nak runding, boleh runding tapi janganlah minta itu dan minta ini. Kita sedang hadapi pilihanraya, susahlah.